

懸榻編目錄

卷之六

文

奠鴻庄先兄文

銘贊篇

拙菴銘

亡妻潘氏宜人墓誌銘

七義贊



倚伏篇

退福篇

荷山外紀
紀報一

汝州婦記

人化牛紀

活地獄記

紀王廣文事

紀金陵焦公子事

剪徑自殺

淫焉首惡

天人紀

雷震不孝

雷震逆子

雷震剗神臟盜

雷震盜鴨人紀

雷剗皮

紀金鷄峯神報事

紀將樂張孝廉事

紀報二

臺閣子孫記

陳進士奇報記

心相記

善行益算紀

善人免厄紀

善氣弭禍

焚廩獨免

鬼助中式

紀異三

鬼畏戒牛人紀

試題豫知

徽神召守

白衣救難一

白表放難二

邪不勝正

錢司李附錄

樵城箕仙死

箕仙用藥

箕仙題海案

鬼救婦難

藍衫鬼拜主司

蛛皮鼓

冢宰霍中丞虎

城門前識

肉身不壞

絕妻四

身夢記

三百堂記

雙夢奇會記

劉生自新得壽事

戊午解元

夢个字不字

逢神巧隱

冥中重朔望齋

司生奇身記

懸榻編

盱江徐芳拙菴著

晉東苗蕃九符選

奠鴻莊先兄文

嗚呼哀哉。我兄之生。實有自來。朔星宜歲。軾宿定。卒

宣尼入座。文昌歷階。祥占始誕。夢叶初孩。毀齒黃中。

等身書史。弱冠士衡。文賦譽起。雛鳳九苞。注駒千里。

在郡名人。于家孝子。何歟。當年咄多。惟事荆山。轉沈。

新亭繼淚。不辨莠苗。奚分蕭蕙。雷。翻。斯。韜。泥。尾。用。曳。
問。關。麻。鞋。半。通。何。有。特。達。秘。書。知。眷。非。偶。少。陵。拾。遺。
彭。澤。五。柳。受。固。絕。竒。歸。亦。不。苟。陟。彼。商。山。言。采。其。芝。
豈。難。肉。食。耻。向。屠。兒。鹿。門。猶。絮。墻。東。委。蛇。夾。惠。之。間。
庶。幾。近。之。我。兄。于。人。少。通。多。塞。我。兄。于。天。何。辜。屢。厄。
蒨。粟。皆。稗。種。蔬。成。藥。夔。屈。無。論。蘭。摧。爾。丞。嗟。嗟。德。壽。
自。昔。云。然。一。舜。雖。秀。十。顏。已。愆。日。星。字。缺。山。嶽。崩。焉。
天。猶。不。免。人。復。奚。言。兄。于。塵。情。泊。然。秋。水。撒。手。臨。崖。

解。發。棄。屣。生。才。自。憐。火。起。寧。鬼。長。吉。青。蓮。嘯。吟。應。侶。
駒。隙。蜉。蝣。邯。鄲。幻。夢。亦。解。遠。觀。其。如。沉。痛。比。腕。折。肱。
如。摧。失。棟。一。袂。永。分。云。胡。不。恫。泉。冥。杳。隔。彈。指。四。秋。
尚。虛。宅。兆。實。我。愆。尤。臨。筭。每。廢。何。山。不。搜。紛紛。道。舍。
無。處。眠。牛。茲。丘。舉。如。螺。坑。之。曲。尚。憶。笑。言。喜。近。家。族。
龜。策。旣。同。雲。仍。必。福。霓。旌。往。來。不。疾。而。速。墓。石。誰。銘。
林。子。孔。碩。傳。贊。詩。詞。亦。饒。名。壘。千。秋。兄。名。四。方。弟。職。
有。集。寒。香。坐。梨。且。勒。兄。之。三。孤。近。頗。森。如。長。行。娶。婦。

仲知讀書季方鞭策漸啓菴愚身後有責其敢忽諸
塵網孽藤百歲長統兄志雖賈事亦粗了既齊彭殤
奚分壽夭遼雀徜徉可以物表道旁雪涕瞻眺靈輻
平生手足倦戀斯須縷懷載寫幽咽與舒所傷隧宇
難可身隨薄醕一觴半淚與血我漫復洗兄豈能漱
鵲舌已暗猿腸空絕吁嗟乎天永從此別

只恐曲終吹入破峽猿腸斷嘯西風題彼春令言
言心血每酌八句情至則工一再不忍多讀

拙菴銘

予壬午冬奉書馬素脩先生自陳拙劣狀先生答書
嘉許且曰今之人巧于謀利拙于謀義巧于謀名拙
于謀實巧之害久矣子能拙子後何憂予得書再拜
佩之會先生殉甲申三月難予因改號拙菴既自勉
且終身不敢忘先生遂爲銘銘曰

不能巧是以拙于焉予子吾生之劣既已拙不復巧
于焉浩浩吾師之道天既生之師復成之吾菴之名

孰能爭之。

高邑相國趙忠毅公及門也。甲子典南闈，奕之爲數程，破有設一局三字忠毅，晒之。是時素修計偕，同諧聲氣相引重也。己卯主江右試，得先生卷，純粹以精疑爲老宿，置第二榜。放則弱冠耳。先生與辰房師爲徐夢莪黃門與先生太翁姓名相同而太翁中函某字奇哉。天生師成，永矢勿諉。先生之拙也如是。因素修太史及之。

亡妻潘氏宜人墓誌銘

乙巳冬十一月，南城徐芳妻潘氏宜人卒，闕兩歲，丁未，得吉壤于邑之河西地名石奇嶺，以仲秋朔十有三日，舉柩窆焉。長男一麟，謀狀其行，乞言于當世之先生大人，予嘆曰：噫！吁嘻！婦行不踰閭，爾父方婁廢，安得先生大人言而重若母哉。往蘇子瞻李獻吉妻墓，皆自誌必知若母無若爾父。于是潏泣述其略曰：宜人世家盱南汾水，嶺曾祖如圭公，以明經任司訓。

祖公父允武公母寧孺人幼奇慧女紅組繡過目
皆有絕巧頗知書通內典蟲豸不殺伊蒲淡靜出其
天性丙子春歸子年十九是時先考方營構伏龍里
居未就座客日滿工作繁興內鮮僮婢宜人躬親操
作擘劃井井不再月而家政大小咸屬新婦先妣中
歲得目疾宜人行則引裾食則襄七晨昏起處執侍
惟恐先妣倚眷若左右手先考事佛謹晨興禮拜日
旭爲度宜人恒于枕間竦聽檐雀孤喙輒疾起趨爨

室吹火作羹湯以進始敢奉匜盥旦旦如是事予終
三十年孟蔬醬肉必自烹餼三晉假媵婢手其勤恪
識大禮類此己卯子舉于鄉明年庚辰成進士辛巳
謁選得澤州守時楚豫寇擾心左饑民嘯聚南北道
梗謀迎養不得冬十月先妣染疾漸亟子天涯遙阻
鄉信杳絕宜人婦蕪子職衣不解帶前後三月先妣
亟誦其孝彌留之際竟枕倚宜人懷抱中以瞑癸未
秋宜人從子避亂樵川之綏安乙酉肝變再從入綏

而閩驟變。子溯流順昌。與鐵騎遇。沿岸叱咤雷動。矢
集蓬牕如蝟。宜人據舫。顧語碧澗清流。此吾死所幸。
疾駛免。遂偕竄山谷。復遭暴客。不絕如髮。又三月。始
間關抵綏。丁亥四月。綏復訐。乃徙嘉禾之王田。戊子
暫還故居。是秋八月。一麟生。踰旬先考病。遂不起。宜
人佐予奉視。彌月不寐。大事內贊。備極瘁。己丑春。
再從避兵王田。尋徙竺峯。庚寅再走松溪。寇至無所
往。始復返伏龍里。居自乙酉秋。逮茲六年。宜人從予。

奔竄數千里。流離轉徙數十計。于戈兵寇日與死伍。
或逃荒地。絕饑凍。迸逼道傍。嗟惻宜人。安之若素。絕
不見幾微色。戊戌秋。予爲俗所迫。乃赴長平。故人看
山約。尋行脚金陵。流浪五載。予意在冥飛。不復回眸。
顧慮宜人。內食繁指。外荷衰戶。懸罄之室。孤掌石應。
困極未有。甲辰。予再客三山。一載歸。而宜人貌頽甚。
咳唾時帶絲血。猶不肯自逸。抵秋。一病幾殆。稍間。復
強起爲一麟娶婦。勞瘁過甚。不旬日而疾大作。遂不

可救臨訣執手與君夙有奇緣不圖箕帚弗卒然前
塵後果平昔自知去路分明終不至墮蓋神爽清徹
比絕僅若寐云芳既已次其生平概畧如是則又撫
几慟曰悲哉天乎宜人之贊予良多而其受累于予
更不少也予善貧宜人佐之以苦淡予善懶宜人掖
之以精勤予書卷成癖宜人不擾以俗營予子舍多
愆宜人克襄以孝養至于嗇以成子捐惠以成子仁
親黨不私以成子之嚴草芥浮榮以成子之曠是數

者人所共知也至于死生呼吸之際噉嘔百折之中
甚蹙不至有岐情甚危不聞有謫語苟非其人寒灰
稿木誰與共之是宜人之大也贊于予也而予骨薄
數奇早歲試有司不利先人督望嚴峻結禱七日下
帷荷山恒累月一歸歸則相向慘咽無伉儷之樂僥
倖未幾而喪亂輒繼卑踪怯跡日出沒于霜鋒雪刃
蛟潭虎穴之間幸而不死又不能為妻子謀食雲水
偷逸反以八口鍾粥貽閨閣憂即諸女遺嫁寸縷尺

布○皆○出○手○絀○幽○機○憂○憂○劬○反○甚○于○田○家○之○婦○後○來○劇○
疾○皆○驚○魂○慘○魄○結○鬱○所○致○偃○蹇○餘○生○既○自○困○躓○又○禍○
及○于○糟○糠○如○是○悠○悠○蒼○天○誰○悉○此○痛○宜○人○所○生○子○一○
即○一○麟○今○為○郡○庠○生○娶○媳○傅○氏○次○子○一○鸞○孔○氏○出○
尚○幼○女○五○宜○人○生○萬○曆○戊○午○十○一○月○二○十○七○日○未○時○
距○卒○得○年○四○十○有○八○銘○曰○
渠○枯○去○苑○子○計○之○拙○只○以○纒○佐○屨○子○遇○之○劣○只○抱○粹○
潔○以○俯○污○濁○喜○尺○璧○其○無○涅○只○茲○丘○之○襟○白○水○而○展○

蒼○霄○肆○貞○璣○其○永○揭○只○

東○坡○之○銘○王○夫○人○也○言○有○畫○而○意○無○窮○當○平○世○也○
先○生○遇○變○風○楚○詞○怨○調○如○索○空○妃○而○賦○離○騷○長○空○
鶴○唳○動○我○悲○秋○之○感○

七義贊 有序

予向有義象義馬義犬義鷄義魚五傳皆目
 前事之最異者而近讀吳門陳皇士詩復得
 義鹿義蜂兩事嘆物類中乃多負至性壯節
 者如此因為合標其目各綴數語為七義贊
 詞約志顯庶觀者有所感七義中死者五不
 死者二要于耿介不負則一夫誠不負奚必
 委軀哉鹿頑豎非家畜故最首蜂有君臣然

最細死最衆故遂次魚水族尤奇故又次象
有職然最烈故再次鷄家畜中最細者故又
再次以犬馬終族不在大各視其所處

義鹿

故銀瑩侯廣成先生家放一鹿于堯峰且數年先生
死鹿跳躑斷角累日不食亦死山僧憐而葬之碣曰

義鹿塚贊曰

遂性離藩依仁脫俎生既蒙恩沒亦從主無天可吁

有丘其所角折肝推孤峰杯上

義蜂

北岡山有群蜂擁王出鷹攫其王啗之諸蜂飛鳴不
去自投江中前後死者三日乃盡楊相國嘗記其事
贊曰

垂堂蒙難禍繇輕徙左右伊何臣罪萬死慟彼銛鋒
慘此洛水五石田橫共成一

義魚

徽商某挾貲自淮歸，悞買盜舟，適有漁人獲巨魚，商贖放之。盜夜縛商，將投之水。偶里許外有邏卒泊魚，乃躍入舟中，跳盪卒醒，得魚喜，就舟乞火，因獲盜，救商而魚已重創死。商悼而收之，葬以人禮。贊曰：郢破胥哭，燕急荆七，往即爾艱，早辨一死，幸旣脫，豈難掉尾，受軀雖微，負心竊恥。

義象

數年前粵中獲一戰象，諭之降不許，死則點首，乃以

火鎗三百環射之，糜爛死，死猶屹立不仆。贊曰：被堅有年，死敵其律，地絕天窮，吾事斯畢，崩角未能洞胸，奚恤以此，強項告彼，柔膝。

義鷄

高平鄉中有賣餅翁，爲一僧假宿，夜殺之，攫其金去。家有一雄鷄，轉鬻南關，後月許，僧托鉢過，鷄出撲啄其面，皆碎，追趨不舍，有捕卒疑而執之，既就鞫，具吐殺翁狀，乃論如律。贊曰：

懸梯續 卷之六
其質羽毛。其氣桓糾。我讐在前。致死敢後。鼓喙代言。鋤兇假手。張椎豫劍。悲壯一耦。

義馬

流賊破河內。縣令丁運泰大罵被磔。所乘馬駿甚。賊將騎以入縣。至堂下。大嘶。人立。在逸不可制。竟跳觸以死。贊曰。本自可生。亦知無責。悼此傾筋。忍忘鞭策。彼肉則糜。我心斯石。是馬是人。大河以北。

義犬

太原有客策蹇尉氏道中。遇一少年。縛犬過。買放之。少年睨客多金。遂殺客。犬潛尾少年至家。乃走縣哀。吠若訴冤者。令遣隸隨犬行。得商。又隨至少年家。得少年。訊實論死。橐金尚在于小册中。識客里居名姓。令復遣隸携犬至太原。呼客之子至。領橐扶襯而去。犬又階其子返太原。丙申年事。贊曰。一斛猶償。而况生我。庭訟何奇。藁誅竟妥。矢力惟堅。

用智在瑣○惜不須○着雖犬亦可○

貯田橫島於胸中○渡香象河于筆下○比物連類絕

世奇文

倚伏篇

東昌某進士之父某翁者○多失德○生平好用鬻銀○以是致厚產○鬻銀者○銀之低假難辨者也○是後生進士公能讀書○且登第○翁心悔曰○吾家富而子名成○于事是矣○此銀不可用○更用其精美者○無何進士公忽病○且屢藥不效○幾盲廢家亦漸落○如是有年○于是翁心志曰○安所謂天道哉○吾向用鬻銀○子顯儁也○且日富○今易之子盲病也○且日貧○安所謂天道○遂復用鬻銀

如○初○踰○年○進○士○目○漸○愈○尋○復○如○故○乃○謁○選○得○秦○中○某○縣○翁○大○喜○挈○家○隨○焉○未○幾○秦○寇○大○熾○賊○首○老○佃○以○數○萬○衆○猝○臨○縣○城○破○進○士○父○子○偕○舉○家○數○十○人○皆○死○竟○無○噍○類○愚○山○子○曰○異○哉○夫○科○名○富○貴○天○之○所○以○報○善○人○也○今○反○以○報○人○之○不○善○疾○病○放○廢○天○之○所○以○報○不○善○人○也○今○反○以○報○人○之○善○蓋○帝○意○深○微○非○尋○常○例○格○所○得○淺○窺○而○謬○測○也○且○夫○塞○馬○之○失○得○寧○有○定○乎○蟬○蚌○鵲○之○互○伺○寧○可○知○乎○亂○世○之○科○名○富○貴○可○盡○恃○

乎○使○翁○之○子○不○進○士○不○足○殲○其○家○然○使○進○士○之○目○之○病○終○不○愈○即○未○必○能○仕○而○寇○之○禍○且○幾○免○也○天○方○與○其○改○過○而○以○病○廢○全○之○乃○復○以○其○怙○終○者○冥○行○而○重○怒○之○而○天○亦○遂○愈○其○病○以○縱○之○仕○而○及○于○難○當○夫○聚○爲○戮○時○雖○欲○如○田○夫○野○老○之○貧○賤○自○適○安○可○得○乎○豈○不○悲○哉○蘓○子○瞻○曰○論○天○者○必○俟○其○定○夫○人○知○進○士○之○福○而○不○知○其○爲○禍○知○進○士○之○目○之○病○廢○爲○禍○而○不○知○其○爲○福○知○進○士○之○目○之○愈○而○仕○爲○由○禍○之○福○而○不

知其由福之禍倚伏之數何常乎又安可謂無天道耶○張聖佐述

鼎銀暗姦也今明劫矣抑天之所以厚其毒乎比餉後又一層公案當不茫然

退福篇

壬寅五月蕪湖有舟渡江所載甚衆每人索渡資三分一人携錢偶少遂不得載一人已登舟忽頭上帽爲飄風吹去墜岸上其人跳而拾之有鴉啄其帽而舞翔蹕彌遠其人逐鴉至數百步外乃得帽同載者大譟發去中流狂濤驟起舉舟覆沒惟少錢及落帽者免當江干解維之時此兩人者未嘗不羨多錢之捷駛而疲足之羈頓也至濤起機推乃信進未必非

禍而退未必非福人生行止亦奚事躁疾乎愚山子曰此帽視龍山之落而益奇也

大塞翁失馬水陸同觀

...

...

...

...

...

汝州婦記

數年前河南汝州婦某氏嫁為人繼室生子其前婦亦有子方十餘歲婦欲害之一日炙麩作餅勻毒其中寘厨間几上前婦子外歸號饑婦曰厨有餅可自取之拈餅入手歛見赤頰人呼曰隣家媪具饌待爾宜疾往餅不可食其子趨赴隣家媪方會客見子至招入命坐徐問所以曰赤頰人速我媪訝無有索赤頰不見斯須隔扉哭聲殷耳媪走問則某氏所生子

悞食厨間餅死矣。隣人怪詰，知毒由婦，憤甚，共訟之。婦具吐本謀，乃論如律。夫毒前婦之子，乃竟毒其子。即徵人誅神，已酷其報矣。赤頰人從何來，一生一殺。轉移竟呼吸也。東海生曰：豈直婦哉？衛鞅咸陽之車，周興食案之甕，毒莫不自及也。是亦併也。

眼前赤子半前婦所生，安得赤頰呼之鞅車與甕。請問天道。

人化牛紀

高平縣民李官者，生平奸惡無行人，畏而恨之，樂其有禍。年六十，竟以壽終。鄉人惑之，以為無天道也。已殯，將葬矣，忽聞棺中勃蹣聲，若動轉者。其子以為父且復生，啓視則其身軀手足皆化為牛，但頭如故。矍然欲起，其子醜之，亟掩棺加釘，秘焉。棺內喘吼尚半日，不輟。親族在傍見者，皆掩口胡盧，復心嘆以為有天道。此崇禎中事，近修縣志者，于勸誠編中特列之。

云夫死則已矣而又故生之以啓其藏而彰其醜化
牛之辱雖有孝子慈孫百世不能改也且夫以人死
以獸生又人其首而牛其軀官于此時雖悔亦晚矣
其子活之而不得也豈不悲乎

人有牛頭馬面者於禽獸又何難焉

活地獄記

今地獄之說釋氏張之儒者詘焉夫地獄必死而後
人死而入夫誰見之則儒者之說勝矣然吾以爲地
獄爲惡人設則必不可無而且必有不可無必有而
死而入亦終無以信其有若是則必活地獄而後可
天下安得活地獄哉然竟有之鄉人吳湛七者業商
性貪譎閭閻不可測每歲自閩中市布至山左貨之
必有樣布以悅買者之日後復更其劣者布已盡而

樣仍在、其替換之術、百變有西商使同行友市布至、
爲湛七所弄、商怒詈友、友恚曰、使自往、正復不免、商
曰、豈有是、假令負者、不復爾面、次日商自往、得樣布
一束、踞坐其上、湛七急、則間道出具衣冠、從門入、迎
商、一笑、長揖、若熟識者、商不得已、偃起、答之、湛七已
潛使人換其後矣、商自以爲無異、挾布歸、驕語前友、
友取細閱、殊爲薄、不稱、索視樣布如之、友乃還、請商
曰、自往、何如、商既得劣布、又遭友誚、笑憤甚、遂自縊、

其陰詭、取利而不顧其後、大率如此、天啓中、得疾旅
舍、時時見鬼、卒驅迫、歷諸刑獄、口中呼叱、晝夜不絕、
先君子以隣里誼、往問之、則見湛七僵卧、簣間、大叫
曰、救我、救我、縛我、着火牀上矣、旁觀無措、則亟呼其
子曰、沃我水、子不得已、以水嚙之、良久曰、釋矣、視其
背、赤痕如烙、條條隱起、已又大呼曰、天平、柰何、秤我
而鈎我脊也、衆益怪、任其叫號、良久、又曰、釋矣、轉脊
示衆、其中忽顛起、方寸許、若着鈎者、已呼渴、其子以

藥進不受以茗以湯皆不受曰非我食也問何所欲
曰戶外陰溝水絕佳子醜之不應則拍牀大詈不孝
有輕薄子戲取進之則狂喜張喉大啜一引而盡曰
大香美如是數日而死死時遍體焦爛自言諸獄楚
毒狀時謂之活地獄噫火牀可卧乎脊肉可鈎乎糞
穢之遺汁可下咽乎漉七此時雖未死而已囹圄其
神魂大豕其口鼻矣以爲火幻耶何以遠焦其膚以
爲鈎幻耶何以遠螫其膻其燔炙迫勒之狀自知之

其慘傷灼烈之跡又已衆耳而目之也吾乃知閻老
天下之大有心人也不獄則人無所畏僅獄則人無
所徵惟不但獄鬼且獄人不但移死獄作活獄且驅
活人入活獄而人可以信矣休矣易曰聖人以神道
設教而天下服夫地獄爲惡人設即誠無猶將存之
以佐刑書所不及而况有之其可誦乎吾非右釋氏
然不能爲儒者解矣

韓昌黎題木居士從善者衆吳道子西鄴都案畏

罪者多痛快斯文一兼之

紀王廣文冥譴事

崇禎中、高平王孝廉某、任中牟廣文、有諸生李姓者、與同里二人有怨、偶督學至、其人囑王以劣行申報、言其欺罔繼母、蓋假曖昧誣之、督學禘生與杖、且繫獄、擬罪生劄志、病死獄中、甫踰月、廣文忽遭異疾、昏卧中、見有人攝已云、奉生見訟至一公府、王者詰責嚴峻、廣文初應支飾、則遭隸曳下、加以拷夾、廣文乃服云、本某二人所囑而已、悞聽卑款、皆其手授、然亦

不知其遽死也。王者又遣隸縛兩人至。與學生廣文對狀。吐仇陷是實。乃寘重典。廣文以懇請哀切。得從減。笞仍決。責數十。三日乃甦。其拷夾則脛骨儼有損痕。受杖則臀肉居然赤腫。痛苦拘繫。不可坐立。乃謝病歸。再詢向時賄囑之人。皆同時猝病死矣。廣文還里。每爲人言其異。踰歲亦竟不起。其同邑王君用體爲予述。夫徇人之囑。而以莫須有之事。陷子弟于獄。耶。非造謀悖已甚矣。所謂我雖不殺伯仁。伯仁由我死也。地下有知。其能舍之。而刑加于幽。割著于體。彼可寘者。固借廣文以示誠也。嗚呼。士大夫得志于時。放其一己之私。爲之而不恤。在下之怨怒。欲無寘譴。得乎。其草管人命者。勿論已。

滿目王廣文可惟無屬鬼如李生者訟之

辭目王實文何州縣縣民咬李圭朱頌文

糾平其草管人命者之結

其一日之... 同寔青園對... 孤也此不... 味其... 舍之... 而... 所... 於... 國... 降... 者... 干... 巖...

紀金陵焦公子事

金陵焦漪園先生之子某年少負才而行多戾舉鄉薦之秋夢為冥司所攝王者震怒數其罪縛而刻之刀甫着股墮其塊肉忽急報至曰此子秋榜有名姑暫釋之負痛而醒其股之被刀處劃然破爛使人負以入關榜出果中式然潰益甚終不可治明年又見前攝者至竟死愚山子曰冥司之糾人若是嚴乎鄉書一雋或其先世登漪園先生之槓與卒以天死安

知其後之爵壽不有進是因其重戾而削之耶世之極刑至磔誅止矣而竟加焉夫獨不念其當世之貴公子乎又剗刃而返之使知公子雖貴而乃有情不可入勢不可撓之冥王其于垂誠又何切也夫縉紳公子之力可以無所不爲即有執法者終不能竟其獄以至于磔獨賴冥王耳冥王者縉紳公子之勢必不得撓情不得入者也故天壤間之必不可少者冥王也而世儒之論乃曰無冥王是長奸佐慝而噓之

燄者也吾無取也

戴五瞻曰述

可畏哉科名安足恃

剪徑自殺

南源嶺，吾邑東南孔道也。天啓中有村人子，慣剪徑。一日雨中，有客過嶺，子持梃出擊，偶不中，客亦善鬪，奪其梃，還擊之，破腦死。客走逸至村中，入一人家小憩，就灶前坐而燎衣，言被賊狀。其父以子久出不返，密往視，死矣。歸聞客在己家，憤甚，覓巨梃入室，將殺之。客適先起，其媳抱一孫，炊火爨下。父朦朧不辨，驟搏之。媳腦裂，與孫俱斃。客竟去。此人後遂絕。子友陳

子全述殺人而人殺之。恒也。今且自殺。翁殮其婦。祖
殮其孫。一日之中。殞者三人。殄者再世。非神奪其魄
哉。

爲法自斃看樣

淫爲首惡

楚中某相公者崇禎中嘗因請箕仙問天下之善何
省。仙荅曰孝。又問天下之惡何首。荅曰淫。相公曰此
亦人間恒言耳。仙曰人間如是。天上亦如是。又問淫
既首惡。當獲何報。仙曰絕嗣。相公嘿然。蓋其生平頗
有失足而歎于中者也。是後東南大亂。相公死。家亦
凋落。僅存一幼子。數年前竟夭折。而箕仙之言竟驗。
噫。天下之最易溺人而陷人于不德者。莫如財色。狀

財之中人或在庸流色之中人偏在才士自古迄今
失足而喪生平非一人矣可畏也哉然則絕嗣兩字
今之自命爲風流才雋者何可一刻忘也予又嘗聞
昔有夢入冥司者讀其枉聯有云積善無如孝造惡
莫若淫有夢入冥判姦私事者吏以陰律進云姦人
妻者得絕嗣報姦人室女者得子孫淫佚報質之箕
仙之言若合符契信知天上人間無二道亦無二法
矣同鄉張聖佐嘗遊楚中詳聞是事語予如此

孝淫雙枉絕頂至言又當與母自欺二如叅看

天火紀

辛卯某月陽城東鄉小城村有物自天而墜正如火
毬旋滾村屋之上飛動迅捷隨升一張姓者前庭之
樹杪洞然而赤居民登樹以竿杵撞之火欬然下入
其舍中煙燄驟起斯頃而熾此舍火勢方裂中宅一
老人拜禱曰生平無大罪惡幸別淫滑庶免殃及
而燭定煙收比戶皆免此舍主人善營利以收典起
家不無峻刻一舉之舉云人滿則天概

之利非刻不集也。而設雷震其是星炎之所
刻。願終可以爲利乎。自昔火無不人致者。而今
忽墜于天。屋瓦盤飛。樹木若翔而後集也。斯祝
融氏之教也乎。

不刻不毒。即一服清涼散。火毬避之矣。

雷震不孝

乙酉三月某夜。雷震異常。予意必有所擊。次日傳聞
果。筮一逆子。其人去于家十餘里。姓黃。客外數載。不
返。妻悍甚。有一老姑。竟積不養。姑不得已。乞食于外。
黃某歸。不責其婦。反怒母辱已。逐之弗禮。母日碎首
呼天聲罪。不旬日。遂有此報。

雷震不孝

近歲閩中一少年客蕪湖。昵一妓不能舍。一日耦坐

樓頭語妓曰、吾力能娶爾、奈爲母所制、備旦夕死、吾事就矣、時正驟雨、雷忽破牖而入、擊之、五斃、同輩駭問、伎言方與子作如是語云、夫心昵一妓而利其母之死、推之必且以不得妓而恨其母之生矣、是心可殺也、雷斧之加、亦豈濫乎、

雷震不孝 三

隣村饒坊有婦性悍、嘗無禮于其姑、昨丁酉夏夜、爲雷所擊、舉體焦裂、跪于中庭、次日隣人怪其戶久不

啓、呼之不應、乃撞而入、一幼兒同寢、竟無恙、天下之最可惡、無如逆婦、其可殺者亦多矣、雷姑以一警、百云爾、

五刑之屬三千、而罪莫大於不孝、暗室虧心、雷霆直至、助王法之所不及也、

云爾

最可惡無收並殺其可憐者亦多矣雷故以一警而
每門之不慈亦對而人一以良同竊哀無恙天下之

雷震逆子

金陵安德門外有不孝子與母異居相去數里子壽
日母步走往賀婦欲留飯之子怒詈婦至諄而加毆
母憤恨歸中途過一池遽自投入次子至晚逐母不
得乃跡至兄家忽雷自空下震其兄死斲身為三而
失其首次子歸至中途池邊見母遺鞋于池覓得則
其兄之首在母胸間口正啣乳此壬寅六月朔日事
以母賀子而走數里而竟斲一節且怒其妻逆甚矣

母安得不憤死○雷安得不碎其體○殊其身首哉○獨口
啣母乳則恠甚○雷若曰爾之初生誰哺爾活爾以有
此身而致今日耶○

雷震劣生

同時徐州一生員家○男女數人皆震死○併火其舍○獨
存一少婦○此生素橫○驚無行○舉家皆習惡○獨是婦愿
持准提素謹○竟獨免○周伯衡觀察過○徐目擊○語康小
范○轉爲予述○今世學政○優劣懲獎○皆虛套○真劣生當

事○非○畏○之○即○愛○之○矣○卧○碑○所○窮○以○雷○斧○補○之○越○俎○可
也○

誅不孝天雷無妄而史斷甚奇卧碑窮以劣生之
多也克其類半應失首

參出京其賊半感失言

精不奉天雷霹靂而史濟其音因四錄以參主之

○此

事非異之謂矣之矣因輒而窺以雷谷靜之妙眩可

雷震剽神臟盜

今世塑佛菩薩及神像者必以金製為五臟之屬入胸腹中其施金者則縷鐫其名姓年命于上以祈福祐謂缺此則神不靈蓋通例云金陵有馬圃子者善盜每伺間入寺廟剽取神佛腹臟幾遍人望而畏之備之辛丑夏復潛入南城五顯廟將竊其臟為地方所執鳴于織造府周繫按察獄其黨斂賄營救將出壬寅六月朔日雷從獄中震倒一墻壓死囚犯七人

獨提此圃子斃之斧下。以一椽木貫其心。洞出于背。餘七囚亦皆重罪極惡。營脫垂就者。前夕各夢所犯先已結案。旦共歡語。謂有接赦之望。不知皆死于震。嗚呼。吞舟漏網。錢神何所不通。不通者雷神耳。此等結案。殊直截痛快也。洞神佛心。死亦自洞其心。雷于此。真金口而木舌哉。

海外小品。着山多逸事。拙菴皆異事。深衣博帶。長篇大幅。腐氣蒙人。何用。

雷震盜鴨者紀

壬寅五月廬江村婦某氏將殺一鴨。飼客。鴨逸出田間。婦遂弗及。適一隣人過。托爲捕之。此鴨奔入一池中。隣人狡。因以錘築鴨入泥。而還報婦曰。無鴨。婦自往真兒池邊。遍覓兒。忽翻跌入池。婦還救已絕矣。婦痛甚。返袂裹兒歸。自經戶內。夫從外還。見兒與婦俱僵。亦自經。到晚隣人始與其兄。捫泥取鴨。將烹之。雷大震。降人兄弟以手相向。糾結而死。鳴在其抱。村中

人聞是婦以失鴨故溺兒而夫婦俱死。方共怪之。及見雷震是人。乃識其故。夫隣人匿鴨。利在鴨耳。豈意禍至殺人。而是婦之子母夫妻。乃俱殉焉。語云。勿以惡小而爲之。信夫。竊鴨罪不至死。而致殞三人。則與殺三人無異。霆誅曉應。天道固不遠矣。

天道巧於報應。罪浮竊鴨者。霆瞰其室矣。

雷剝皮

白淡堂老僧云。崇禎中。潞安北門內。有一婦人。雷雨。中爲神攝去。剝其皮。仍墜舊處。渠同衆往觀。其背有朱書四字。曰。三世不孝。

雷字

雷震朝天宮之日。下開有渡江艇。且發電大作。光入舟中。共見有一金字。懸布空際。頻照頻然。久而不滅。衆其駭悸。謂此中必有姓金人。當受霆擊。速去。毋相

累正推問次。其中果有一道人。自言姓金。因遂登岸。跪而俟擊。此人既上雷。遂舉舟撞而覆之。復于其中提數人。斃之于道。惟金姓人免。誅不孝烈于葵丘之盟。無假也。

紀金鷄峰神報事

同邑朱源人陳德。素行克逆。居家悖。賣倫理。好以僞。辦市易。欺詐。取利。屠殺。作活。庚午夏。謁金鷄峰。歸忽發狂。走號。以木架籠頸。自言天神。械我。且自數生平罪。捉刀自斷其陰。割膚體。片片擲地。不復知痛。人亦不敢近。磔裂殆盡。七日方死。遠近多往觀之。謁神本以希福。今更罪之惡。貫盈而天。鈇適。奏神不受此。孽媚亦更不爲此輩憐矣。操刀自割。神之報惡人。似。

別出一狠手。其誠衆人則固同一婆心也。金鷄峰在
邑東南五十里。上祠三仙。靈爽最著。夏羲叔述

今日金鷄峯有攫竊神祇之犧牲牲者三仙其吐
之乎

紀將樂張孝廉事

將樂縣之萬安寨有張孝廉某。貪而放。頗侵剝鄉隣。
自益。人不敢忤。旁近婦美好者。不可使見。見必百計。
求遂其欲。家本貧。後進縣官。臨溪築室。連榭。曲水方
亭。雕闌。複磴。結構甚侈。亡何。謁選得蜀中縣令。道病。
卒。家隨以破。令其居室歸于鄉人。夏生而孝廉一子。
及依。栖。執。役。暑。不知。愧。子。丁。酉。過。夏。生。家。見。其。奄。奄。
一息。零。落。頽。尾。之。狀。心。感。之。因。坐。方。亭。作。詩。曰。九。曲。

池塘活水。流離關面。面俯清幽。半生心力。經營盡好。與人間話。鵲鳩紀其實。云噫。天道好還。炎冷如數。孝廉之威。談烜赫。幾何時。而子焉。辱人宅。歸新生。悲夫。勢安可常恃乎。

鵲鳩韻句解人願聆悟不盡

臺閣子孫記

福唐葉臺山相公。其先世不顯。祖某翁。習匠。歲暮歸。過縣。見有數人被械。愁嘆。問之。皆逋糧。不能完者。叩其數。止十餘金。翁自度囊中金足了。此遂盡與之。既歸。到門。徘徊未肯入。妻聞。乃出招焉。翁具以傾囊。濟人。告妻曰。此極美事。淡泊度歲。奚傷也。是夕。翁夢神告曰。上帝以爾盛德。令爾生臺閣子孫。然爾家墓地。故不佳。明旦視爾羊所在。即吉穴。留意圖之。次日果

有隣家子從翁買羊作祭。翁曰：吾家惟此羊，不欲賣。隣子強之，與俱出。覓羊所在，方卧一山隈。翁謂隣子曰：羊不必價，但吾親柩未有葬處。君家地多，隨意贈數尺土，幸矣。隣子曰：惟子所欲，即此皆是。翁隨于羊卧處，指而求之，舉柩葬焉。逾年生臺山先生，爲盛時賢相，夫十餘金之助，數非多。脫數人之械，德非薄。臺閣子孫之報，厚斯過矣。而帝不靳，何也？取其心之誠也。且翁之囊不過十數金，今盡傾以濟人，是十數金

之心，即千萬也。况當歲暮已之所，並急而能捐之，則是十數金之心，且不啻千萬也。夫人亦未誠于善耳。苟誠于善，天之報之，未見其有不厚者也。

好善優於天下，蒲不如半，以其真也。惟天陰騭相協，厥居矣。

臺山與象雲同輔，韓老蚌珠生，頰發于面，葉嘲之。口若是人，不知除非已，莫爲臺閣子孫大人善，謹

口... 山... 改... 新... 廟... 址... 寺... 文昌閣... 閣地... 改關帝廟... 視舊

陳進士奇報記

濟寧南關之紙坊街有文昌閣閣地改關帝廟視舊
址縮十之四廟後有清真寺禮拜所所謂回子教門
中者崇禎癸未春諸生王道新等以廟貌庫隘議擴
而新之復其故址而回子中有楊生花者素暴欲侵
廟址以益其寺糾黨數百毀垣攫木誣訟中丞黃公
所下郡覈理郡心直諸生而難象回子模稜具覆工
竟輟有陳生益修者憤甚爭于黃公得允建如故生

花事急以重賄中益備不許復花一廣文來購以他
室易址又不許生花大憾冬十月生花軟衆罷市以
數百人載益修于天井間得之殲其肢體髡其鬚髮
刀剗其雙目碎之以灰曳過其家肆掠焉舉城如沸
是時益修已垂絕家人昇寘榻上張皇守視莫知所
出益修夜半忽如夢中醒見有綠繡丈夫手卮酒飲
之曰得此可活益修強咽喉間喀喀有聲家人駭視
綠繡者忽不見隨溺血盈盎胸腹稍適次夜復見一

人唐巾翠衫翩若仙子排闥入趣益修起曰吾瘳子
手扶頂後甚楚曰勿驚腦中血瘀必出之已雙目孔
忽噴血如注而頭間痛漸止再次夜又見一老嫗至
以杏李數枚啖之味極澁又以羊眼盈掬授之捧接
之次二睛歛然而墮嫗趣益修吸之未幾張目視物
忽漸有光久則雙睛盈寔還炯如故生花聞益修不
死又復有目亦震懾因友釋怨益修亦不較明年甲
申京師破生花偕其侄僕乘亂狂逞爲衆襲殺亦剗

其目而益修以乙酉秋中山東鄉試出闈之夕夢關
壯繆告曰爾與尚謙皆陟名賢書矣已而果狀尚謙
益修侄最初與同聲義者也冬臘月十三日益修晨
起有青衣叩門投書爲五言八皆隱語詞曰東畔方
生耳草頭八皿全一夕三人卧門內隱八天老翁成
羽化黑犬右人牽耳邊絲亂墮禾斗永相連益修不
解沉吟次青衣忽失徧索竟無跡丙戌益修聯第有
人取前句釋之曰東畔生耳陳也草頭八皿益也一

夕三人修也門內八天關也老翁羽化公也黑犬右
人默也又佑也耳邊絲墮聯也禾斗相連科也合之
爲陳益修關公默佑聯科九字而同時與生花角若
王道新侄宏亦同登是科甲榜尤異云益修後謁選
得貴池令歷官監司與予友方爾止善言其事甚悉
而濟寧楊生蕪霖別爲小錄以紀予于爾止所見之
論曰痿可起也古人嘗臆足將矣絕可續也古人嘗
折脅相矣至于肉既刮之目而眸之與之甚幻之睛

而卒起其已廢之警。古今未有也。夫誘之利而不貪。劫之以甚厲之鋒而不休。此其志。帝鑒之矣。生花輩能殺陳君。不知神能生陳君。能刮陳君之目。不知陳君目固存。乃自刮其目。強梁者不得其死。信夫。而或疑其怪誕不經。夫衰世之變。先王之道不足勸于人。而王者之鈇鉞。有時不得加于亂賊。所恃者神耳。神又避其怪誕不經之跡。不肯出一奇。佐之善。何所依。而惡。奚所畏哉。且福善禍淫。謂之怪誕。可謂之中庸。

何不可也。嗚呼。士君子當是非利害之際。仗節執義。不爲利。回威屈如陳君者。豈不偉哉。况事有大于建廟。尺寸之土者乎。吾讀楊生錄。有感也。

回子截于衿。絕木鐸危矣。單刀救之。山左山右。兩聖人所以相維于不窮也。莫只作怪事觀。

心相紀

樂安人王奇峯者善種山住竺由久與子友夏義叔
言其族叔某素業賈有侄善姑布唐舉之術叔壯時
嘗使相之侄曰叔財不能厚郎甚麤可致百金而壽
促僅能五十三又無子曷爲勞勞乎叔心不謂然無
何年四十七矣尚未有子所積貲不能溢百因思侄
言作歸休計一夕將渡有婦抱小兒投于河叔見呼
曰救此婦者予千金岸傍人泅水出之叔即酬金如

數○而○婦○顧○堅○求○死○詢○之○曰○妾○夫○以○途○肆○鬻○食○失○意○一
盜○賊○爲○所○誣○陷○法○當○配○得○十○餘○金○可○營○贖○妾○傾○產○變
易○而○所○得○銀○爲○一○隸○暗○換○盡○鍊○耳○夫○不○可○救○而○產○已
廢○計○惟○有○一○死○叔○聞○惻○然○因○遂○與○婦○金○若○干○伴○歸○贖
夫○婦○謝○去○叔○抵○家○侄○來○候○見○大○驚○曰○叔○骨○相○類○易○壽
當○踰○八○十○而○有○二○子○應○在○來○歲○且○叔○近○日○何○善○而○面
間○陰○騰○紋○滿○若○是○叔○以○救○婦○事○告○侄○曰○此○當○之○矣○是
後○叔○果○生○二○子○壽○至○八○十○三○始○卒○萬○曆○末○年○事○奇○峰

言○其○叔○與○侄○名○字○甚○詳○義○叔○忘○之○夫○捐○十○數○金○而○可
免○無○辜○于○配○又○全○其○婦○若○兒○之○生○即○無○錄○其○善○者○固
當○爲○之○况○冥○數○之○轉○移○見○于○骨○相○如○此○夫○壽○與○子○固
竭○千○萬○金○以○營○而○不○可○力○得○者○今○乃○以○一○念○之○不○忍
致○之○天○何○負○于○善○人○也○哉

閻揚陰騰轉移造化何啻晉公還帶覺爲善有權

姓○之○天○向○負○千○善○人○此○道○因○遂○與○金○
○○○十○萬○金○以○營○而○不○下○女○爵○者○今○代○以○一○金○之○不○忍
○當○為○之○其○真○媿○之○轉○疑○其○干○骨○昧○此○夫○壽○與○千○固
○矣○無○辜○干○刑○又○金○其○益○未○良○之○上○收○無○殺○其○善○者○固
○言○其○妹○與○自○命○字○其○信○善○妹○志○之○夫○此○十○姓○金○而○何

善行益筭紀

維揚人陳某少與同里三子結異姓兄弟期于休戚
與共、死生不渝、飲酒刑牲、歷誠日月、後歷年既久、寢
不能如約、三人中陳最長、生一子、家頗殷、仲惟一女、
與季子訂婚、有日矣、亡何季死、家貧落、仲有淪盟意、
季之家屢申前請、猶水石也、陳亦數從中、更不見聽、
一日陳入城、途遇素知之已沒者、居然人也、問曰子
猶生乎、荅曰否、某在冥為小隸、王勾攝、昨奉到一牒、

行錄多人子名與焉。毋入城，便歸料理。予紆而渡江，越兩日至，陳疾歸，念生平未了，無若季子婚事。遂大集親故，延兩家子女畢至，而語仲曰：曩昔之盟，言猶在耳，何可忘之！且若所以難婚季者，以其貧也。今析吾產三，若與季之子二之，則可不貧。而若之女，亦可以歸之矣。遂立取贖產籍，均剖面授，開筵合卺。即其家，諧伉儷焉。曰：吾待此以瞑也。于是所親知其遇，勾攝隸事，習連盤聚，連接昏旦。陳亦自知前期坦然以

俟。至三日早，儼見前隸歷階而升，陳迎謂曰：行乎？隸曰：不然。昨奉帝勅，以子析產全婚，克敦大義，特命延筭，以示褒嘉。適牒到，免提專此，慰報語訖而滅。此已亥春夏事。予友張道子任維揚，知其詳，而于名姓不能遍記。今陳某尚無恙也。噫！物態涼炎，瞬眼立變。天之不渝盟者寡矣。陳獨慳念疇昔，以他人子女爲身後第一事，割利就義，以遂其志，洵可尚也。而冥路褒嘉，捷于呼谷，然則災亦可弭也，數亦可轉也，不死

之藥返魂之香不在海外神山在方寸也帝嘉在不
渝則伸李葦之反眼負心其寔應且憎矣

文關世道每於結處見奇

善氣弭禍

天下遇極可駭之人難測之事雖勢力在我不可鹵
莽處之便當思患豫防待之有道大抵用剛多失用
柔多得憤而角之多失因而化之多得比隣何碧塘
常言其客閩中某處偶有一僧狀貌龕惡化銀若干
期于必得語復悍戾旁友怒欲毆之碧塘獨好語施
之如數僧微笑去後數日携橐歸過一高嶺正雙顧
間忽有十餘惡少虎視道左前僧亦在見碧塘乃笑

日君長者。吾在無恐。使當日稍苛遇之。此際凶鋒殆不測矣。又子友夏義叔常言。其家一日有老乞者。闖入厨中索食。攙坐無禮。義叔輒加溫款。以酒食與之。飽其所需。乞者食罷。流涕謝曰。本爲貧激。來君家索殯。既爾盛德。何忍相累。即出行十餘里而死。方其來時。已飲毒久矣。故以無禮。將挑釁義叔家而死。蓋有奸人教之也。故惟吉氣能弭天下之凶。惟和氣能柔天下之暴。孟子之三自反。終于禽獸。何難。道固如

此

忍容中有大願。力吉氣歲焉。非根器人不辨。

必容中官大顯大吉庶幾非財器人不難

凡

焚廩獨免

暗窠程氏吾邑東南鄉之以富著者也。有字毓文者。生平朴厚。無財虜氣。習是時世界承寧日久。郡邑諸大家。多苛削。庄佃租粒之入。或改用大斛。以徵索于常額之外。及其出糶。又輒用小者。轉展取利。小民歷于強力。莫敢忤。程氏亦復不免。毓文之父。一日以斛小。于眾欲改造之。毓文不可。曰。使吾家長有此小斛之入。足矣。且小民終歲勤動。良苦而浚之。無乃不可。

父感其言已之。是夕夢神告曰：子用意厚，旦日將盡燬諸家廩，獨免子覺而駭焉。次日亭午，程氏諸廩之在竺由及嚴湖塔者，所在皆有火起。次第焚燬，獨毓文家廩火及而熄，竟符其夢。此亦崇禎中事，人之貪每求益于額之外，而天之巧乃更損于數之內。大斛之得，視烈燄之喪孰多乎？祝融氏之焚廩，非瞽聵之徒漫然無目者比也。

奇儼

鬼助中式

己卯同籍劉出子日杲卷，出秦令公鋪房，初閱不甚喜，寘之。覺燈影間隱然有鬼，作啾唧聲已，而前後左右皆鬼也。心大昏怖，取卷讀之，卽覺安然已。又曠未滿意，復寘之。鬼又隨至，迭前惱亂，如是數四，遂勉取寘末卷，闈中哄然傳之。蕭問玄先生語予云：場屋中真有鬼，秦太音最怕鬼，其房中鬼偏多，益指此也。出子襟期清曠，行誼不愧古人，年三十悼亡，遂不復娶。

卽此一事。堅貞已不可及。鬼之相之宜矣。

鬼助中式二

江寧黃孝廉某中戊子鄉試。年尚少。主司初閱書義三篇。不甚喜。冥之旁几。忽若有人從傍告曰。後文頗佳。盍收之。諦視左右。寂無人。主司心駭。再閱再棄。從傍告者。則再如故。因終覽其經義四首。大加賞嘆。取入彀。蓋孝廉之父生平。比稱威德。以好施毀家。又訓孝廉最勤。常手錄經文二百首。俾其熟誦。此四義皆

題。適湊而書之也。塲中鬼語。始天所以報其德云。孝廉之僭王錦雯。頃約予相其先塚。私言如此。孝廉亦端人。

鬼助中式三

崇禎丁卯。泉州詹生某自郡赴省闈試。道過楓亭。見有殍于道者。意憐之。生故貧。乃解其所以。紅氍毹。束募土人。瘞之。停宿乃行。比入試。主司閱其卷。未甚當意。燭影中瞥見一人。朱衣前立。若有懇者。已忽不見。

主司疑其神。收之。揭曉相見。問生平何脩。場中特有
神助。生謝無之。主司固問。生良久曰。惟近赴舉時。以
紅瓊裹。莖一道。殪。主司曰。是矣。向燭影中。見有朱衣
立吾前者。必是人也。吾以為神也。生亦竦然。聞之者
老云。場屋中。皆有天部吏兵。管領統護。諸邪魅無敢
近。惟感恩報怨。兩種精。竟得直入。無禁忌者。其然與。
孰為朱衣。取諸一毡。足矣。雖然。見道殪而憐之。輒為
停宿。營瘞。其生平可知矣。草木之花。開榮一日。其滋

長而苞孕。非一也。朱衣之助。人以為一。種吾終以
為生平也。

孝友身文之質。化而書九十七問。朱衣點陰陽。

試題豫知

近年來山左有李神僊者、以術數遊京師、頗能知來事、庚子北直鄉試、有兩生從、占得失、且密以試題詢、李謝不知、但笑曰、兩公皆道德仁義中人、無庸卜、兩生不解、及入試、首題則志于道全章、所謂道德仁藝者、實隱寓其字、而兩生皆中式、辛丑會試、又有以場題餽者、李曰、此何敢言、但題中當有五、後字四、可字、他日或驗耳、其後場中首題、乃知止而後有定一

節果有五後字二題乃夫子之文章一節三題乃易其田疇二節合之果有四可字乃嘆其異臨川羅立如孝廉語予如此題目裁自主司疑非可以豫定而古來夢授神告前知不爽如此者多矣然則主司且不能主張一題目况去取乎

山東李仙懷慶河神皆現世人也前知奇語不俟靈氛

嶽神召守

濟南吳太守南岱者父嘗官山左臬使衰年未有嗣息禱于東嶽逾歲而太守生因以岱名識所自也已太守再官此地當遷矣一日坐署中若有所見循檻矯首瞻空而拜其聲諾諾曰駕望先發今卽至矣如是者數家人瞰之聞無人也所親密叩之曰吾本嶽帝從臣偶爾塵降今嚴旨見召殆不可留遂神思惘惑汲汲作遠行狀臨沒屬其子曰必奉吾主山中吾

將歸于此。家人如命，導主入山，乃歸櫬焉。蓋癸卯歲事。詩有嶽降生申之說，後世如此類，亦已多矣。獨太守乎？夫生有自來，而死無所去，是尼山之禱爲誣。而登堂之金石、絲竹入廟之彝尊、几筵，皆幻妄也。故于太守而益徵死生幽明之說。

尼山之禱，尤非輕錫正穴真龍法眼能辨。

白衣救難

庚子夏，蘓州某鄉一古寺，有商偶過，見觀音大士像左臂漏壞，施金十兩裝之。僧見商金多，身孤，延入後齋留宿。夜起掠奪，且欲殺之。商哀乞百方，乃鎖禁秘室，勒其自盡。時偶有巡卒十數人，遙見白衣女子，入寺門，疑而偵之。女直透秘室去。卒亦躡至，呼僧詰問。僧辭無有。卒毀戶索之，則見此商方在煎迫。見卒哭訴，所以乃共縛僧詣縣。而所謂白衣女子，杳然無

着○乃○知○大○士○化○身○誘○卒○之○入○以○救○商○于○急○也○時○予○過
蘇○耳○聞○其○事○及○此○僧○解○郡○薇○友○許○某○又○目○見○之○商○變
起○倉○卒○而○大○士○之○身○卽○現○于○倉○卒○之○頃○若○使○從○西○方
來○當○不○若○是○速○也○故○曰○佛○無○不○在○僧○利○商○金○殺○商○乃
以○自○殺○併○十○金○失○之○天○下○之○禍○罔○不○由○貪○哉○

慈悲闡提變于俄頃可悟普門品數十若字

白衣救難 二

壬辰秋淮上有僧寺頗僻一過客投宿其中挾貲頗
多僧窺見夜起殺客客求自死乃以單被細擲溪中
沿泊淺岸近岍有漁罾數處見其地若有光影一白
衣美婦綽約其間隱躍可觀因其走就至則失婦但
見一物龐然波間解之得客息尚未絕具言僧見賊
事衆憤之群往破戶執僧送官繫獄其寺中實供大
士像客亦以金施大士前香燈爲僧厄云此與近日

蘇郡事絕類僧之貪毒不可令見金帛乃爾然兩容
脫險皆賴大士而大士現身皆作女子者何也衆生
所愛金帛之外無踰女子故亦以女子致之現少婦
身而救難與現菩薩身而說法無二義也且僧逐金
而金空救客者逐女子而女子亦空當其空時前之
所貪更復何着耶此可起悟矣天下財與色之害人
何相續而未已也

財色空空高呼一世

邪不勝正

陽城郭生善幻術奇譎千變嘗過婦翁家設饌意有
所迂座中杯皿肴核一時自撤空無所有遣人踪跡
則在大門之外郭坐自若因爲婉謝乃盡還之又能
于儔人中掉臂遊行攫持器物都無所見一日督學
試士至郭自倚其伎携刻文一束入備簡閱爲選者
執獲學使者杖而黜之生故能文其鄉士紳共爲陳
請得還青衣寄學郭素工掩目法至是竟不售云然

則公庭禮法之場。朝廷威靈。官司紀度。于是在焉。雖有邪妄。不得逞也。予幼時。又聞某縣令杖一囚。囚通異術。杖皆着其內。衙夫人之體。楚不可勝。令大悲。乃以印印其臀間。術遂不行。因斃杖下。杖可寄也。而令之印又何神也。

子不語怪印讓錢神

錢司李附箕

辛丑冬。江寧董司李以事繫獄。請箕僊問之。既降書曰。我前任錢司李也。錢名肅。以讞獄失。輕論絞死。方月許。董駭問曰。君事何枉。荅曰。否。我過去世。嘗以私故。逼一無罪婦人。歿。今訟于帝。故有是報。董曰。弟行何如。荅曰。某之續矣。題詩一首而去。時董司李因逸重囚。當事科以城旦。疑未必至是。奏上。竟內駁。從重論。碎絞死。錢之死。人咸憐之。乃不自以爲抑。知其

獄在此報在彼也。然錢不死不能知，又安知董司李之獄不別有所坐乎？夫一無罪婦人死而能訟其讎，至是操兵刑之柄者，其勿以人命恣喜怒哉？五臣三代之祖庭，堅不祀，忽諸故曰廷尉天下之平，今誤認推敲而頽官矣。趙忠毅咲贊首及之。

樵城箕仙紀

樵川諸生吳君善箕仙之術，予嘗以三事密叩，各得一詩，次第井然不亂，惟予心知之，他人不辨也。時請仙者本危君允藏兄弟，而予溷其中。仙下壇詩曰：新年夏至八干前，半雨半晴花盡然。傍有高人徐釋齋，曾吃紅綾到木天。蓋指予也。然不解八干前何說，則書曰夏至八日前耳。索曆日驗之信然。予笑僊人亦看人間曆日耶。危子曰：是未奇也。昨歲丁酉督學

歲試臨吾樵予與數友問場中首何題則書曰尹字帶兒孫心一旦題或近此衆不測復問二題何題倘經乎則又書曰否否否衆皆喜謂非經比入試首題是得見君子者斯可矣搭至得見有恒者斯可矣乃知尹帶兒孫寓君子字心一旦寓恒字也二題是樂正子強乎曰否三段乃知否否否者寓三段中三否也又同時武學某生亦請問試題仙書四語曰二人並肩不缺半邊立見其可十字撇添生茫然再問不

應入試論題是天不奇才四字乃悟二人並肩天也不缺半邊下也立見其可奇也十字撇添才也不獨前知之神而析字奇巧雖與黃絹幼婦三橫兩縱之語並存千古可也然天下之事皆有成數司之于天試題則拈取于率然之項存乎主司之心與手即主司不能前定而神已豫知之異哉

曾記瀑鸞四絕皆奇只一字出韻余甫心擬卽迅箕改正惟驚服不測耳天下奇才四解卽武侯游

戲不過云爾凡事前定諒哉

箕仙用藥

吾友梅律之爲予言其尋人某翁慎極生雖病未嘗服藥曰吾以不藥爲醫一日卒中陰厥暴汗委頓氣息奄然垂絕律之惶悸失措時青綬有鄭生者善扶乩言人禍福多奇中翁素所禮信因往祈請仙曰嘻殆矣雖然爲子一發汝翁諱藥姑外治其以肉桂細咀敷臍令滿加附子一片蕪艾炙之無筭俟腹中熱而止律之歸如言炙之不踰時果遂能語腹中溫煖

然憊如故。律之。又往問。僮曰。爾翁不死矣。爲子再發。取乾姜肉桂各十餘觔。煮濃汁。盈缶。用杷蘸汁。時拍兩掌。又漬雙踵汁中。以瘳爲度。律之歸。又如言。取汁漬之。纔半日。卽能起坐。索食。神色開暢。疾去八九。則又往問。仙曰。瘳矣。不須他物。但以人參少許。和龍眼肉煎湯。時少進之。歸又如言。凡三日而病盡去。容氣充悅。似勝于舊。夫疾且危。而諱言藥。宜不可救。而外治之功。乃捷于內。亦奇矣哉。諱其意。劑兩方。皆剗獲。

而當于理。豈岐伯俞跗之徒。而神猶在人間耶。

此藥奇甚。巫醫有恒。

其藥音其巫醫育其

而當于野豈如山會權之其而輒辭亦人間準

箕仙題海棠

幼時聞臨汝某生因隣家降箕見其詞鋒犀利欲窘之驟指庭前海棠命題而限以笑拂不三韻仙即題云婆娑一本枝骨突輕風惹動羅裙拂分明一陣暗香來着意聞時却又不乃嘆服又子年十五讀書龍崗僧寺偶因事請仙疑其僞命以館中柱首二字作下壇詩首字即書曰鷄鳴獨自下天台萬里雲開日出來中有仙人騎白鶴吹簫引鳳舞瑤塔蓋在聯首

實是鷄鳴二字時方昏夜非人所知也詩雖平常而其應甚捷然則天地間何地不有神何時不有神心動而神式臨之矣古人不欺暗室誠哉不可欺也
瀑壑四首其一云五千年外植靈根猶有寒枝古
葉存道人載酒重來賞青燵白露襯山痕款落純
陽山人贈字皆奇絕以爲才冠頑仙者恹恹而不
信也海棠險韻可爲知者道

兔救婦難

辛卯秋山東道中有少婦偕夫策蹇至溪僻處爲數
行脚僧所掠殺其夫縛婦樹間使小沙彌守之將俟
晚挈之他去偶有戎卒數人過其地有兔驟起卒彎
弓中之兔帶箭走直至縛婦之所箭落而沒卒解婦
縛詢知其故時數僧方往一大鎮中盤街惡化卒驟
至縛之至邑遂皆伏法僧行淫殺于法無赦然非兔
起爲祟無由識其處矣兔隱箭落兔非兔也亦果報

中一奇也。

不禿不毒穎。簪負奇巧于報應。何時無天道也。

藍衫鬼拜主司

壬午應天鄉試。某房考夜閱一卷。燈影中有人伏地叩首。若相懇之狀。視之身。裹藍衫。而面貌絕非男子。主司以卷不甚稱。擬寘之。則拜不已。主司心疑是人。必有隱德。遂錄之。放榜後。本生進謁。主司問曰。子以何德。致鬼神冥助。生謝無有。主司述其狀。生拚泣曰。此非他人。殆先母也。母終時。家貧無以殮。不得已用所衣藍衫裹之。主司點者曰。然。向視其貌。固一老媪。

夫閨中鬼神亦多矣。而生之售。獨以母之助。豈其貧而孝。而婁苦之極。天實憐之。俾入爲之相與。不然人孰不欲售其子孫。而死者有知。皆入闈以干其主司。如是每夕。燈影中環而拜者。當不知幾何人。而至司之去。取安所從。平生之母奇矣。而竟售焉。生又幸矣。孝而能文。天益相之。

蛛皮鼓

崇禎初。汀州山鄉中。一夜大雷雨。有物雨中與雷鬪。火光閃閃。飛舞擊射。盤繞山谷。經數時不散。水亦隨之而湧。次日有老蜘蛛。死林莽間。其大如箕。皮堅厚。若牛革。蓋蛛含明珠。龍挾雷以奪之也。後數月有識寶人。過其地。以多金買是蛛去。或問之云。此老蛛皮。以冒鼓。有異響。聞數十里。今將往外洋貨之。其值無量。物莫不有成形定質。以虫之細瑣如蛛。而乃有如

箕之身如牛之犇。天地之大豈可測乎。

龍挾雷而奪珠泣暗投矣。波斯敗洋吾亦浮海。

冢宰鶴中丞虎

苗九苻邑侯爲予言北直高邑趙公南星房師井陘
 令鍾遐齡夢大鶴來降其翮蔽天因字之曰儕鶴後
 仕至冢宰領神清流爲一代名臣山右和順王公雲
 鳳嘗晝寢于內夫人偶入睨之虎也駭而走比公醒
 還視則人也夫人以告王自喜遂號虎谷後仕至大
 中丞有勲伐爲一代名臣鶴清逸絕俗而冢宰以品
 尊虎威猙懾遠而中丞以伐著氣類符應豈不信乎

然鶴入夢而王公之虎乃逗之于身若畫也尤異

方伯龍富翁牛

臨川曾銘西方伯誕前一夕父夢廳事左棟有物盤
裡蛇蜒鱗甲燦目知其龍也旦日方伯公生因以棟
名之後竟貴顯而壽同時同里王翁某家素封其商
于外日惟踞門坐則貿易輒利多得財或偶他往則
是日必不利少得財還復門焉而財又至人因號爲
財星晚年一日晝浴妻推戶入盆中惟一肥牛拍拍

弄水大駭而出呼家人往而浴已畢未幾遂病不復
起人又目翁爲牛精以其欲終故形見云譔庵子曰
方伯之龍冢宰中丞之鶴虎其應之佳固無異也今
素封家享受齒于顯貴其奔走鄉里兒或貴顯家所
不逮而王翁之身乃竟爲牛於戲彼財星也而固牛
精也乎

昔有異人謂阜落前後出各大宰奔走天下豪杰
喬莊簡爲河東首鳳高上鶴和順虎相與峙也夢

龍兆于臨川而牛後焉善謔矣咲咲贊載夫子泣麟
翁子惧其過哀也挂阿堵于一元之上曰麟活子
曰是有錢牛

城門前識

廬溝橋城崇禎中所建賜名拱極城其南門額曰永
昌北門額曰順治後李賊破京師僞稱永昌元年而
順治遂爲今號兩皆恰合人以爲前識

壁中刀錢

劉青田有廟祠在其邑之衝衝丙戌丁亥間有大帥
督兵過而惡之下令毀折甫墜一堵卽于中得剗刀
一。張順治錢一枚。帥見大駭乃止不毀。

惟天假手，身盡白水，真人之識。

肉身不壞

慈山大師既入滅，全身塔廬山，已數十年。近弟子欲改捨曹谿，遷其龕去。至梅嶺，兵梗費盡，暫厝路側。有李副將入粵，過而聞之，曰：「慈山師大脩行人，死必有異果。爾我且任其資費，若但猶人無足貴耳。」啓龕視之，體貌晬然如生，鬚髮皆長，手之十爪統身生。匝乃大驚異，爲捐金送入曹谿，襄其事焉。人死數時而色變，數日而形變矣。旬月之後，且不堪問。慈公數十年

已蛻之面目。軀殼尚復如生脩。行人之視俗子。固霄壤哉。

慈山達觀兩大善知識。愍入定于南達影西山。有大青小青送還龍子文贊姚恭靖皆奇絕真異人也。

異夢記

枝人自厄

幸卯閩省鄉試。有某生者。于兩屆前夢中是榜四十一名。覺語其師生。固年少。文不甚工。而又家富。師疑之。屆期夢如初。又復以告師。益心忤。謂生于主司中有所關通。護已比入試。師七晝就。即碎題紙少許。作小帖書。今科四十一名。有關節數字。于投卷時。溷寘監臨案下。監臨得書。大駭。姑秘之。二三場投帖皆狀。監臨遂洩。信以為此卷四十一名。其關節也。迨折卷。

監臨入視。至四十一名。日止。出三小帖。示主司。主司
轉詰本房。房考李令。指天自矢。聚訟良久。監臨曰。雖
然。必易之。李爭不得。倉猝錄他卷。監臨命于本房落
卷中。掣一未塗抹者。換之。明日榜發。所掣得落卷。即
某生卷。正中四十一名。而其所疑而換去者。則師卷
也。令既出。呼其師。示以開卷。且言從中更易之。故爲
之惋惜。師自知華由已。作不敢真喙。微與所知言之。
後竟憤恨死。夫弟子之于師。誼不薄矣。即有他故。不

宜從師發之。况一夢微疑。遂致相妬如此。即此可知
其師爲匪人矣。而豈知闈中之四十一名。已固儼然
當之。其因監臨之疑。而駁黜者。已又居然受之耶。則
是其三碎紙。以致蟻于監臨之前者。皆其所以自伐
自誣。而其切切狀心。伎其弟子。而陰撓之。不寘者。乃
所以重翼其弟子。使之巧售而捷獲也。或曰。天也。鬼
神之弄人也。彼師與監臨。皆在所弄之中。夢固已先
之。予曰。不然。苟坦衷者。處此。不碎紙以行其誘。則雖

有鬼神何從出其已積之卷而機奪之謀之不滅人也。非天也。此事奏合最奇而足以爲世之褊衷多伎者戒。予故爲脩論之。

不伎不求何用不滅寫得奇幻動人真有鬼神在其筆端

三酉堂記

歲丁酉東鄉梁生心者飲酒過醉死體猶煖家不忍殮七日而甦自言方死時有人召之時正沉醺惘惘然不知所之也至一公府堂上有主者面目亦不甚辨已立堂柱間但覺其高巽然無際斯須遣一隸押過三酉堂已亦惘惘從之出府門遇一儒衣冠甚偉呼曰子非東鄉梁生乎生即之則臨川已故翰林聿菴傅公也因問計傅公曰三酉堂獄名以待世之沉

○酒者然子且返○第慎之○隸性屢善遇之○庶得其
○濟○遂別到一處○並是大澤○波濤瀾漫○有車驅之入其
○深及鼻○足搖搖欲仆○生計無出○惟哀籲隸○至沒頂處○
○隸○恒提而泗之○如是十數里○始得岸○復經一處○有荷
○卒縛人于柱而磔其肉片片飛下○問之則田西人曾
○某也○已復詣前府主者呼入曰○子筭未終○姑相警隨
○傳問磔人竟否○堂下荅曰竟乃給一牒○俾自遠省城
○隍所遁下郡邑○得復返○將入戶○隸從後撲之○而醒徐

○遣人至田西偵所磔者○前旬日死矣○鄉里所稱無良
○者也○愚山子聞而嘆曰○聿菴之死久矣○今猶在哉○往
○辛卯之役○聿菴從容就刃○章門事最烈○今遇梁生○以
○梓里故而曲爲之畫○又何仁也○仁且烈○宜其死不死
○也○然則謂貞臣義士之可以○刃○鋸○剪○殄者○謬矣○生醉
○而死○死尚醉○至波濤瀾漫之時○當亦悔其沉湎之貽
○戚○然晚矣○夫以沉湎感以沒溺報○亦奚足論○願今天
○下○亦誰弗醉○其沉湎沒溺○有百倍梁生者○而豈翅葉

之○毒○已○乎○當○其○醉○時○亦○誰○肯○醒○耶○枉○問○之○碟○者○是○已○
沉○酒○于○酒○尚○見○枉○問○之○碟○瘠○民○肥○已○者○當○何○如○

雙夢奇合紀 汗穢字紙

新城孔某者其家開牙賣豕一日夢爲冥府所拘主
者責其罪縛曳着地命一穉鬼以杵舂之中其左額
某哀懇悔罪主者少霽諭以筭猶未終亟回改業方
孔就繫時遙見堦下更械一人似其所識細視之則
近境塾師王生也然噤不敢問孔某寤後左額果生
毒瘡肉潰骨塌幾至隕命私念所械王生必死矣後
數月王生復至孔大愕告以夢中所見王生日然吾

向繫階下時。遙見堂上一人縛而受春者。爾也。果有之耶。于是各質其夢時日月及所見冥府主者。皆合。孔更問王生。爾以何罪繫。何因得返。王生日。予無他坐。主者以我齋中字紙糊壁。童子溺其下。汗液着紙。責在師長。予對以實。出不知懇請良久。方許釋我。且曰。返當爲我申警于世。此癸巳年事。夫賣豕于人而屠割之。雖不操刀。其意在殺。杵之宜矣。童子溺紙而坐。及塾師何也。豈冥司之重字紙。等于物命。其輕賤之罪。比于屠殺。乃如是乎。後之爲塾師者。可以誠矣。雖然。又不止塾師也。

王沂公之父見字紙。必香湯浴之。後驗錫魯之夢。今以袖小而納之靴。豈科名辱罪。當未減耶。

紀劉生自訴得雋事

甲午秋澤州南鄉士劉某赴省試夢至一處巍峩若公府從吏趾錯手卷籍出入中有主者冠紳烏奕云是文昌君方較勘山右新榜籍至生名顧左右曰生子雖在列然嘗小過逼一妾死宜駁黜生聞趨前訴曰有之兒女子短見輕生某甚悼焉非逼也主者閣筆召一二青衣質詰委曲乃日子言良然姑如籍既寤甚自負同輩或駭笑之生輒曰神不欺我榜發竟

中式雲程張翁云噫。生于此亦危矣。且夫科名之重。于天下久矣。學士專工文章。而帝心偏眷德行。是明與幽。恒左也。使劉生之夢弗驗。予固以爲行重于文。况乎其不爽也。

此三晉桂籍也。放乎四海。誰謂天高星遠。

戊午解元

嘉興張翼爲諸生。落魄不第。往天竺祈夢。神告之曰。成不成。平不平。十里灘頭問老僧。翌日遊湖至十里灘。果有老僧在焉。張揖而請之。僧賀曰。戊午解元也。至是秋。果鄉試第一。成不成。當爲戊矣。平不平。當爲午矣。解元則何。僧與頭。其圓首乎。此之謂懸解。

夢無字

典化九鯉湖。亦祈夢之最神者也。有一生以功名禱。

夜夢神于生掌書無字示之生大驚駭再懇請神曰
勿多言來日山下某所遇樵夫仍書此字俾解之生
悵然返路經某所果有樵夫釋檐地坐生求爲解夢
樵曰我不識字生于地大畫一無字樵目良久曰君
當貴此字縱橫者四頂槓皆具非轎乎四足齒齒非
轎夫乎坐四人轎非官人乎生喜過望後果登甲第
危哉生乎使令一識字人解之必無此絕妙議論矣
點哉樵乎雖不識字然相之工謝石諸人所未及淵
哉神乎有而示之無無而示之有也使人顛倒而憂
喜焉斯所以不測也

一夜髮白

戊子夏杜兵破建寧縣大掠有廖某者家頗富爲兵
所執閉之空室將以旦日出而拷之廖當被繫時髮
甚黑至是舉頭皓白如雪兵不能認以爲僞代者不
遽加楚轉展寃詰廖得逸去古有登絕關書題榜成
而髮爲絲者李青蓮送陳郎將歸衡岳云朝心不開

暮髮盡白。可謂善于言愁。廖鬱慄幽囚。改顏一宿。不信然與。

樵解無字。創獲神奇。識字人反在夢中。

夢个字不字

道子又言其鄉一親友。以秋試事所夢。遙神神亦于掌中書不字示之。曰。且使人解之。醒而大惑。求解于其友。友曰。子定雋矣。不字析之。當爲一个。亡何果入殼。又一友與之同所神。示以十字。問人不能着解。榜發名在前列。歸家見粉牌上亞魁亞字。乃大悟。蓋亞字中空。白處合之。固十字云。夫不之爲一个。就字析取可知也。亞之爲十。舍點畫而取中空。不可知也。甚

哉神之好奇也。而乃愈出。

解个悟十想見一畫之奇而法也。文成質博。溺心
排三竭兩空空罕矣。心齋好學所讀何書耶。

道神巧隱

沂省有神廟爲祈夢所。神無名姓。云本守土京師宮
禁中。以妄泄陰曹事。遠謫來此。遂共稱爲道神。其顯
應百端。然皆字句隱諧。極于奇譎。不可驟識。卒則無
一弗驗。每科試之歲。宿廟中者常至百人。有朱生思
明者。亦在列。夜夢過雙壁間。忽傾北。舉其體壓之。而
倒。醒而大懼。謂非祥也。有解之者曰。君作第一人矣。
朱曰。何也。解者曰。一筆壓倒諸生。非第一人而何。益

壁與筆朱與諸同音也榜發果第一又同時朱中丞
運昌亦往祈夢神索其掌書一無字而醒以爲不利
是秋中式遂登第仕甚達無字義終不可解後巡撫
閩中乃悟曰才手傍着無爲撫字書無于手非撫而
何真俗于別才稱才手云真友張道子述夫所夢將
以知來事過而協無爲貴夢矣予不爲神取也倒壁
書無反亂人意然神之善隱若是

齊諧志怪

冥中重朔望齋

陽城楊半涓工部太翁數年前夢入冥司主者責令
斷葷且令旁隸禱持牛犬皮以進曰否者服此太翁
悚怖自念終不能如此一時謬應愈重其戾乃復懇
陳願先持朔望素主者許可既覺誠家人朔望勿進
酒肉居一載偶過楊屋山齋中話久屋山供午餐出
酒肉食之太翁忘其朔也是夜復夢主者攝去大加
訶責以一鉢具束其額備極楚困哀懺百方乃得解

釋既曉頭痛尚竟日自是持之加虔翁于屋山爲從
侄屋山語予如是蓋冥司喜人素食卽朔望齋亦重
乃爾。

生戒凜然

司生奇夢記

易榜吏前定

萬曆中虔州孝廉司言貫者元日夢亡祖告曰冥曹
考校文行當及子矣然有軋之者秋時入省宜以厚
幣餽臬司某胥囑其填榜時聞唱八十三名司某姓
名卽振穎疾書勿滯呼吸則得之矣孝廉異而識之
比秋入省漫詢臬司書役中果有某姓名者生傍籠
徃拜不遇則再徃最後相值問故生以夢告胥笑曰
謬矣闈中舊例填榜有司胥爲政我何得與而能

爲子生日雖然姑識之、~~奏~~而去、亡何僉寫榜吏時、
按察使屬內大僚出者、性卞、倨、與、藩、司、忤、爭于監臨、
御史監臨不能決、于兩司中各取數人試之、擇其書、
之佳者、胥竟入選、至期聞唱八十三名、司言貫、仰、振、
筆一揮而就、主司遽曰止、胥曰書矣、問書名乎、抑止、
姓胥曰姓名皆訖、主司曰數也、蓋時有副卷頗佳、主、
司欲更之、拆視卷名姓周、以爲但書一司字、則固可、
改、而爲周、今書名無及矣、生旣入殼、往謝胥、具言、
中事如是、然則名次前定也、正副榜、前定也、寫榜吏、
亦前定也、夫彼此界在呼吸之間、而生以胥疾書之、
故遂爲司、不爲周、豈非天平。

爲司不爲周、奇極、闈中前定、愈出愈奇、丙午江簾、
有夢柱聯大書、鍾山川之秀、祝社稷之昌、至期則、
二主考諱也、聞之燈岩天部、

